

اسلام کربندی

شعاری : « دینی برہیات ، حیاتی برہبرہ » در .

نیل ۱ - صائی ۱۸
۱۳ صفر ۱۳۳۳
۱۸ کانون اول ۱۳۳۰
جلد ۲
مدیری : حلیم ثابت

قرآنہ کریم

سورۃ بقرہ دن « ان الله لا يستحي ان يشرب مثلاً . . . آیت کریمہ سنک مفہوم شریفی
[حاشیہ لی مفہوم قرآندن] مناسرتی رفعت صرحوم

اجتماعیات

تو لک یوق اولتمیدر ؟

حیاتمزدہ ، حتی حیات جهانہ یکانہ برحقیقت وارسہ اودہ بوتون موجود .
 داتک ایرکج تولوم دینیلن عاقبتہ معروض قالمسی کیفیتی در .
 فکرلریمز تولومدن نہ قدر تدھش ایدرسہ اوھیولانک بزی صیقتدیردینی
 دائرہدہ او نسبتہ طارالیر ، خوف موتک تولید ایتدیکی جانسوز اضطرابدہ .
 بزی اونستہدہ بی حضور براقیر .

تولومدن قورقانلرک خیالرینی دائما اشغال ایدن شی کابوس موتدر .
 عجباً تولومدن قاحق ایستہینلرک منہای طریققری کرداب موتدن باشقہ بریرمیدر؟
 لسان شریعت بو حقیقتی (یدرککم الموت . ولوکنتم فی بروج مشیدة) نظم

منینی ایله تبلیغ ایتیمورمی ؟

تولومه قارشى لا قید قالانلردرکہ حیات مقدرہ لرینی حضور تام ایچندہ
 کچیریرلر . تولومه قارشى لا قید قاله ییلمکده فردی حیاتله دکل آنجق جماعت
 حیاتیہ ممکن اوله بیلیر . چونکہ ، فردی حیاتده انسانی بی آراءام براقان خوف
 موتک اجتماعی حیاتده نأثیری اوقدر حس اولنه من .

جماعت حائده کی انسانلر مفکورهجه اتحاد ایتدکلری وقت آیری آیری
 بولندقلری احوالدن بوس بوتون فرقلی برطاقم سجیہلر اظهار ایدرلر : جماعت
 حائده بولان انسان فردی حال ایله قابل قیاس اوله میہجق درجہده برجسارت
 کوبستریر . علی العاده حالاتده انسانی تدھیش ایدن خوف موت بیله جماعت
 حائده ایکن اوقدر قورقونج بر تأثیر یاپمز . چونکہ (فانی فی الجماعه) اولان
 فرد ، شیخصنی دکل جماعتک (بمفکوره) سنی دوشونیر وجماعتک مفکوره سنی
 یاشامق ایچون کندی نفسنی تولومه آتمقدن چکینمز! . . . اوائل اسلامده اصحاب
 کرام طرفدن کوبستریلن خارق العاده جسارتلر ، نشر و تأیید دیندن عبارت
 اولان مفکوره نی یاشامق عزمنک تجلیاتدن باشقہ برشیمیدر ؟ . . .

حرب وجدال ساحہ لرنده غلبه قاهرانہ نی تأمین ایدہ بیلک ایچون افرادی
یالکز جسماً دکل روحآده برلشدیرمک، اونلری متحد مفکوره نك قومانداسی
آلتہ طوبیلامق ایجاب ایدر .

روحاً متحد بر جماعت حائده کی اردونك قارشوسنده هیولای موت
دیکیلوب طورہ مز . بویاہ براردو ایچون فرد اولہ میہ جنی جہتہ طبعی تولومده
یوقدر ! . . .

مسئله جماعت اعتباریہ بویاہ اولقلہ برابر فرد اعتباریہ تولوم واردر .
وتولمن انسانلرک بعد الوقات تہ اولہ جقلری معناس بشرینک دماغنی اک زیادہ
اشغال ایتمش اولان یر مسئله در .

باشده آباء ادیان اولق اوزره بوتون فیلسوفلر بومسئله معضله نك حلی ایہ
اوغراشمشلر ، اورتایہ مختلف نظریہلر وضع ایتمشلردر . شریعت احمدیہ
بومعسانک حلہ قارشوی بیکانہ قالہ مشدر . دین اسلامک بو خصوصده کی بیاناتی
قطعی و جمعیتک موجودیتک محافظہ سی ، تعالیسنتک ادامہ سی کافلدر .

مسئله نك فلسفہ نقطہ نظرندن اشکال حلیہ سنہ کورہ ، جماعت حیاتی فیضدار
برجالہ صوقولہ رق حیات اجتماعی اعلا و فردلرہ درین و اساسی برامید وشوق
تأمین ایدیہ جکی کی ملت افرادی شیخص اعتباریہ مدہش بریاسہ ، جماعت
اعتباریہ ده قورقونج برعاقبتہ سوروکلمکده محتملدر .

مادیون و اونلرہ پیرو اولانلر استنا ایدیلیرلرہ مسالک سائرہ اربابینک همان
کافہ سی فردلرک تولومنی انعدام کلی (l'anéantissement total) طرزنده
تفسیر ایتمکدن اجتناب ایتمشلردر . فردک تولومنی انعدام کلی ایہ تفسیر ایتمک ،
ملت و جماعتلرک حیاتی زمرہ مکدن فرقی دکلدر .

چونکہ حیات ، امید ایہ قائم اولدیغنی کی برملتک بنای استقبالی ده امیدلی
وعزمکار قوللرہ قورواہ بیلیر .

امیدسز فردلردن متشکل بر جمعیت ، طاغیلمغہ ، سفالت و اتقراضک عقور
دیشلری آره سنہ دوشمک محکومدر .

برملتک کہ فردلری امید ایہ مشبوع ، متحد مفکوزہ یولنده حیات مستعاری

حیات مستقبلہ پر ترجیح قناعتیہ پیرایہ دارد . او ملت ہر صدمہ پر ، ہر فلاکتہ
 عزیمتکارانہ کو کس کرد . ششہ دار بر آئی بہ بحق استحقاق کسب ایدر .
 مادامکہ جہانہ کلن ہر فرددی حیات بہہ حال بر کون ٹولہ جکدر . او حالہ
 مفکوردہ اوغورندہ شان و شرفلہ ترک حیات ایدرک جماعتی باشامق ، خاطرہ
 اخلاقہ ابدی برزندہ کی احراز ایتک قدر بر شرف اولورمی ؟ بالخاصہ فردک
 ٹولومی ماتک حیاتی تأمین ایتدکن باشقہ شخصی دہ مرتبہ شہادتہ اصعاد ایدرسہ ! ..
 مسلمانلرک (اجل برور) عقیدہ نی قدر پارلاق و حیات ملی نی اعلا ایدر
 بر قناعت یوقدر . یوعقیدہ سایہ بندہ درکہ اسلاف عظام ولہ رس عقول اولان
 موفقیاتہ مظهر اولمشلر ، تاریخک شانلی صحیفہ لرندہ ابدنمون برر نام بر ایشلردر .
 ماتریالیزم مسلکنک ، ملترک بقا و دوام شوکتلری ایچون بر آفت اولان
 مسلکنک ٹولوم نظریہ لری ، برکت ویرسونکہ کندی اساسلرینہ کوردہ
 صاعدا ملق دامغانی حائر دکلدرد . مادہ پرستلرہ کوردہ ٹولوم ، انعدام کلی ،
 محوفطی در . ٹولادکن صوک دیگر بر حیات ، باشقہ بر عالم یوقدر :
 انسانلر ؛ عضویات سائرہ کی قوانین و شرائط معینہ تحتدہ طوطار ، بوور
 و ٹولورلر . حیات ایکی یوقلق آرزہ بندہ موقت بروازلقدن باشقہ برشی دکلدرد .
 انسانلرک عضویات سائرہ کی قوانین و شرائط معینہ تحتدہ دوغوب
 بوودکلری و صوکرہ اولدکلری فکرینہ اعتراض ایدرک دکلر . چونکہ بو
 فکری اسلامیتک بیاناتیلہ توفیق ایتک او قدر مشکل دکلدرد .
 بالکز موتک انعدام کلی اولدیغی مطالعہ سیدرکہ مسالک سائرہ ایلہ تالیف
 ایدیلہ میہ جکی کبی ادیانک اساساندہ مخالفدر . بویلہ بر قناعتک حیات جمعیتی
 صارصہ جنی تہلکہ سی دہ آریجہ بر محدوددر ا
 فی الحقیقہ ، اگر ٹولوم انعدام مطلق ایسہ انسانک بوتون حرصنی ہیچ بر
 منفعت ، ہیچ بر مفکوردہ اوغورندہ ٹولہ مکہ حصر ایتمی حیاندن - آنجق
 شخص اعتباریلہ - الکجوق استفادہ چالشہ سی ، دنیا دہ مسعود اولق امیدنی
 غائب ایتدیکی کوندہ اتخارہ قرار ویرمی کی جمعیت ایچون مضر تلی نتیجہ لرک
 ظہوری پک طبیعی اولزمی ؟

ماتریالیستلر موتك انعدام مطلق اولدییغی ادعا ایدیورلر. حالبوکه اساسات سائرلری بواضا ایله اصلاً قابل تالیف دکلدور.

چونکه، بومذعبه کوره بز، منشأسز برنامتاهیت ایچنده محصور بولنیوروز، بو دائرهده هرشی طاغنیور انتشار و تبدیل شکل ایدیور، غائب اولیور فقط هیچ برشی محو و منعدم اولیور. نه بر جسم، نه بر جزؤ، حتی نه بر فکر کائنات خارجه چیقه میور، زمان و مکان ماوراسنده قاله میور.

وجود مزك بر ذره سی، اعصابك تك بر اهترازی بیله منعدم اولیور. کیجه لری سایه باقدیغمز زمان کوردیکمز ایشیلردن بعضیلرینك میلیونلرجه سنه اول سونمش اولان ییلدیزلره عائد اولدقارینی ماتریالیستلر ادعا ایتمیورلری؟ منبع لری سونمکله بر ایر عصرلرجه صوکره ینه محیط اثری ده شعله فشان اولان بو حزمه لرك نهایتسز یوللرینی تعقیب ایلوب کیتدکلری والی الابد کیده جکلری ادعاسی مادیونجه انعدام مطلقك غیر ممکن اولدییغی نظریه سینه مستند دکلیدر؟

دیمك که ماتریالیزم طرفدارانه کوره جهانده هیچ بر ذره، هیچ بر قوت منعدم اوله میور. چونکه بر شیئی منعدم فیلمق یعنی اونی عدمه فیولاته بیلمك ایچون عدمك موجود اونسی ایجاب ایدر. حالبوکه عدم، یوقدر. عدمه وجود اسناد ایدیلمسه - اسناد اولنان شکل وجود نه اولورسه اولسون - او، آرتق عدملکدن چیقمش اولور. عدمی تعریف ایده جك بر تعیر، آکلاته جق بر افاده بولنه بیلورمی؟ تحلیل و تعریف ایچون ایجاد ایتدیکمز تعیرلرده بیله انکارشائبه سی بولتیورمی؟ دینیله بیلیرکه: عقل بشر ایچون عدمی ادراکه چالیشمق نامتاهی بر حدود ویرمکدن داها زیاده غیر طبیعی در.

عدم، منفی بر نامتاهیت یاخود داها آجیق بر تعیر ایله حواس و عقلمزك احاطه ایده مدیکی و یالکز و قوفنزلغمزك ایجاد ایتدیکمی بر اسم دن باشقه برشی دکلدور. مادیون مذهب کوره عدم اولدییغی حالده، بو مذهب طرفدارانك ثلومی انعدام کلی تلقی ایتلری کندی مسلک لری نه طابان طابانه ضد بر عقیده اولدییغی کوریلور. مادامکه ماتریالیزم مذهب نظرأ عدم موجود دکلدور، او حالده انعدامده یوق و بناء علیه ثولك منعدم اولق دیمك دکلدور...

بز، کندی حیاتمزدن آرزوق فرقلی بز حیاته مالک اولانه (تولو) نامی
ویریورز. غیر متحرک و طوکمش کوردیکمز بر عالمه بیله (میت) اسمی
ویرمکده تردد ایتورز.

عالم قرده حیات نیاتی و حیوانینک ابدیاً سونمش اولدیغنه قانع بولدیغمز
ایجون؛ دونکی قمزله عالم قمری موت ابدی ایله محکوم ایتورمیدک؛ حالبوکه
صوک زمانلرده کی کشفیات قیه بز کوستریورکه جهانده ظاهر آک عاقل
و حرکتدن بالکلیه محروم کورینن ماده لرک آتوملرنده قوتلی بر حرکت موجوددر.
علی العاده بر قالدیرم طاشنده مندیج اولان مدهش قوته نسبتله نباتات و حیواناتده
کوریلن نجلیات حیاتیه بر اویقو، بر عطالت عد اولنه بیلیر.

بوکونکی قه کوره تولن هر موجود یکی بر حیاته داخل اولمش دیمک اولدیغندن
موتی، انعدام کلی ایله تفسیر ایتک هیچده فنی اوله من.

اساساً مابعدالطبیعیات مسائلك حلنی قندن بکله مک عبث در. قنک ساحه
تبعی محدود بر دائرهیه منحصردر. او دائره نك ماوراسنده آت اویناقمق
قنک دکل، دینک مشروعیدر. جهان عرفانک معتدل دوشونجی فیلسوفلری
مابعدالطبیعیات مباحثی ادیانک دائره صلاحیته بر اتمقله جداً وظیفه شناسلق
کوستر مشلردر.

م. شمس الدین

اسلام هواوی

ایکی هفته لق جهاد خبرلری

قرارگاه عمومینک رسمی تبلیغاتنه کوره

۴ کانون اول سنه ۳۳۰

۱ — روس قطعانی طویچی وما کنه لی تفنک جایه سی آلتده چوروخ نهرینک